

# Q U Æ S T I O M E D I C A .

Quodlibetariis Disputationibus manè discutienda in Scholis Medicorum die Jovis 7. Decembris.

M. JO ANNE MICHAELE GARBE, Doctore Medico, Præside.

*Nullusne præcellens nisi præstanti naturæ Medicus?*

**M**EDICI nomine innumeri, re autem pauci: ut ex omnibus artibus, quæ ad vitam sunt, nullæst Medicinæ præstantior; hanc laudem delibare ferè omnes amant. Te vel solo dentium dolore torqueri similes; in aulâ, in urbe, in agris, quot homines videris, tot experieris Medicos. Quam multi præterea sint, qui eam jure an injuriâ profitentur, omnibus compitis parietes testantur. Hanc videlicet personam induere cui hodiè non licet? Aperta modo taberna est, ubi venalis prostat. At personato Medico verus ac perfectus quid interest? Ille omnia spondet, nihil præstat; hic plus præstat, quam in se suscipit: ille quod in buccam venit fastosè deblaterat; hic verbum caverè emittere, quod revocare laboret: ille ne in rebus dubiis hæere videatur, nihil intentatum relinquit; hic etiam in certis mavult cunctator, quam præceptis videri: Ille si dolosi spes affulserit nummi, nec sceleribus abstinere, hic puras habere manus sibi lucro apponit: ille famam apud ignotos quærit verbosus strophis; hic de civibus benè merendo benè audire studet. Uno verbo verus ac perfectus Medicus est vir bonus medendi peritus. Itaque nisi qui modestiæ, pudoris, temperantiæ, liberalitatis, prudentiæ, gravitatis, ingenii, eruditionis laude floruerit, Medicum statuas esse neminem. At hanc bonarum artium turbam confociare difficile est: ne igitur mirere Medicorum paucitatem. Quid itaque esse censeas quoddam hominum genus, qui medendi jus nescio quo titulo sibi arrogant; quos tamen nec viros bonos quisquam putet, nec Medicinæ peritos: quovis nomine appellaveris, modò eos verè Medicos esse non concedas.

**E**T certè utcumque ferax sit Medicinæ campus, non omnibus tamen ex ejus culturâ suus honos venit: aliis seminum copia, aliis ferendi ratio deest. Quidam videlicet singulari quodam remedio instructi ad Medicinam faciendam accedunt; plantarum virtutes, vim mineralium, humani corporis, totiusque mundi fabricam ignorant. Quid mirum, si primis Medicinæ elementis destituti nullum medendo ad communem utilitatem fructum afferre possint? Hæc autem semina, ut pleniora sint, ex bonarum artium succo vim quandam traxerint necesse est. Mox ubi habent jam suam maturitatem; ea disseminari, hoc est in communem usum proferri, convenit. Quod periculosa plenum opus alexæ quantâ sapientiâ indiget: præterita nosse oportet, observare præsentia, futura præfigere: habenda ratio loci, temporis, personarum: noscenda cuiusque studia ac mores: non ægra tantum corpora, sed exulceratæ mentes ad sanitatem revocandæ. Cum iracundis blandè, cum meticulosi confidenter, cum contumacibus callidè, cum dolentibus jucundè agere. Absit tamen in risu verbosæ petulantia; absit libidinis, intemperantiæ; absit avaritiæ suspicio, quæ irritabiles ægrorum animos faciliè alienet. Sed oris gravitas, morum sanctitudo, verborum fides necessariam auctoritatem conciliet; modestia gratiam; humanitas benevolentiam. Hæc à medendi ratione ne putes aliena, sine quibus stare non modo Medicinæ dignitas, sed & ipsa nullatenus potest. Ad honestæ enim matronæ cubile accedat titubantibus vestigiis temulentus Medicus, minio rubenti facie, vinum spirantibus oculis; scilicet hanc speciem feret: Mox ubi immundo halitu omnes conspurcavit; fluentibus buccis, voce pressâ remedium imperet, quis fidem habeat? Quinetiam rectam ac honestam corporis formam in Medico ipse Hippocrates desideravit, adeò ut Medicinæ templo eliminandi videantur abortivi pusiones & cadaverosa facie deformes, quos ad terculamentum hominum, nedum subsidium videtur natura comparasse.

**I**LLÆ autem virtutes, ex quarum mixturâ perfecti Medici species exurgit, an ab alio fonte, quam ab ipso nascendi principio oriuntur? Primum illi summi viri, quorum de rebus Medicis doctrina celebratur, nonne hodiè ignoti jacerent in tenebris, nisi habitu naturæ propè divino præ cæteris existissent? At laboris tantum pretio Deus venales artes proposuit: esto sanè, at hæc patiens laboris sedulitas sedati atque industrii animi, quem quisque est nascendo sortitus, dos optima est. Jam verò victrix sati sapientia, quâ omnes Medicinæ partes, velut animâ, reguntur, nonne ipsa donum est cum vitâ, quasi divinitus darum? Hæc non humanâ industriâ, non arte magistrâ provenit, nec, cum natura repugnat, aut Medicorum præceptis, aut Chemicorum experimentis, aut Philosophorum sententiis comparatur. Hinc quibus recta mens deest, ii faciunt sæpè ut multa intelligendo, nihil intelligant; & cum sapere multum dicerent, paulò stultiores factos se probent. Quod autem aliqui ita vivunt, ut eos ab optimis studiis nec libido abstrahat, nec cibi potusque voluptas revocet, nec somnus retardet, nec auri cupiditas impediât; benè se natos gaudeant. Nec verò eam morum facilitatem plenâ comitatis gravitate temperatam, quæ humane vitæ condimentum est, aliundè quam à naturâ profectam putes. Inconcinna gravisque rusticitas fera est; quæ mansuescere penitus nescit, ubi minimè caves, rursus ad ingenium redit. Quid enim dicam de formæ dignitate, quam de se præstare nemo potest, nisi hanc parentibus, aut summo rerum parenti acceptam esse referendam.

**S**CILICET in nobis natura, ut plurimum dominatur, licet huic adversetur nonnunquam, vimque inferamus, nonnunquam etiam arte opitulemur. At eam prorsus immutare fas non est. Quid enim naturæ nomine intelligamus, præter subtilissimam partium fabricationem & laudabilem temperiem, à quibus omnis motus in corpore oritur? Quæ cum in diversis hominibus diversæ sint; hinc ingeniorum, affectuum, temperamentorum mira varietas derivatur. Quemadmodum enim in variis machinationibus, quæ æquali fluminis impetu moventur, motus sunt concitiores, quò rotis latioribus cæterisque partibus majore vi elastica contentis cientur; ita & mens nostra pro cerebri justâ capacitate aut spirituum robore ac nisu, melius ac facilius intelligit. Hic præstantioris ingenii fons, hinc ad summam eruditionem facta indoles profuit. Ubi verò ille spirituum ardor humoris melancholici gravitate ita temperatur, ut eorum acies nimium non obtundatur; adest iudicii maturitas, cum ingenii acumine conjuncta. Absit præterea ab iis partibus, in quibus libido excitatur nimia salacioris cuiusdam fermenti copia; aderit pudor: non acidiori succo situlosa fauces arecant; aut jejuna allatret ventriculus; aderit cibi potusque temperantia: non bilis turgeat; aderit humanitas: non lien melancholiâ exundet; aderit comitas. Quemadmodum & ex corporis partium congruâ inter se conformatione ac sanâ temperie pulchritudo ac formæ elegantia exurgit.

**F**RUSTRA ergo ad perfecti Medici palmam aspiraverit, quem nascentem, non ut bona parens, sed ut noverca, natura respexit. Nisi enim fundamenta posita sint; insanas attollere substructiones quid juvat? Quò altior moles, eò major ruina. Ita si intelligentia, iudicium, probitas desit, quò quis in medendo plus operæ collocabit, eò majorem stragem edet in vulgus. Errant videlicet, qui solius experientiæ finibus Medicinam coercant, nec dominant ab ancillâ fecerunt. Fatendum tamen quod res est: non tantum servit utiliter; sed ejus ministerio carere heri non potest: magno hinc apud ipsam in pretio est. At hæc propriè Medicum non facit, si ratione ac consilio, optimisque artibus destituta sensuum imperio regitur. Est, ut in Picturâ arque Poësi, ita & in Medicinâ felix quædam indoles, sine quâ nihil magnum efficere ars possit. Imò sepius videas ad aliquam medendi laudem naturam sine doctrinâ, quam sine naturâ valere doctrinam. Alibi ubi excellens ac Medica, ut ita dicam, natura adjunxit sibi adjumenta doctrinæ; tunc nescio quid præclarum atque singulare solet existere.

*Ergo nullus præcellens nisi præstanti naturæ Medicus.*



## DOMINI DOCTORES DISPUTATURI.

*M. Bertinus Simon Dieu-xivoye.*

*M. Erasmus Emmerex.*

*M. Joannes Boudin.*

*M. Michael de Hodencq.*

*M. Pontius Mawrin.*

*M. Franciscus Mailhard.*

*M. Petrus Legier.*

*M. Franciscus Sorbnd.*

*M. Nicolaus Rainsant.*

Afferebat Parisiis JOANNES-BAPTISTA DOYE, Parisinus Baccalaureus Medicus. A. R. S. H. 1684.